

Vijeće IPP-a FBiH donijelo Odluku o određivanju općih uslova za licenciranje prostornih podataka

19.02.2026 13:23



Infrastruktura prostornih podataka Federacije Bosne i Hercegovine

Federalna uprava za geodetske i imovinsko-pravne poslove

Na svojoj 50. sjednici, održanoj 17. februara 2026. godine, Vijeće infrastrukture prostornih podataka Federacije Bosne i Hercegovine (Vijeće IPP-a) usvojilo je **Odluku o određivanju općih uslova za licenciranje prostornih podataka**. Usvojena odluka definiše vrste licenci, način njihovog označavanja, kriterije za dodjelu, kao i pravila korišćenja i ponovne upotrebe prostornih podataka.

Odluka obavezuje sve subjekte IPP FBiH da primjenjuju standardiziran, jedinstven i transparentan pristup licenciranju, čime se olakšava interoperabilnost, dostupnost i odgovorno upravljanje prostornim podacima u skladu sa Zakonom o infrastrukturi prostornih podataka FBiH.

Prema usvojenoj odluci, u okviru IPP FBiH primjenjuju se tri kategorije licenci:

- **Otvorene licence** – primarni i preporučeni oblik licenciranja, koji omogućava slobodan pristup, korištenje i ponovnu upotrebu podataka.
- **Prilagođene (ograničene) licence** – koriste se u slučajevima kada postoje zakonski, sigurnosni ili drugi opravdani razlozi za ograničavanje pristupa, svrhe ili načina korišćenja podataka.
- **Komercijalne licence** – primjenjuju se za podatke koji se stavljaju na raspolaganje uz naknadu ili posebne tržišne oslove.

Vijeće IPP-a zadužilo je Koordinaciono tijelo i subjekte IPP FBiH za implementaciju ove odluke, dok će **Opći uslovi licenciranja** – dokument koji detaljnije razrađuje primjenu pojedinačnih licenci – biti objavljeni **najkasnije šest mjeseci od dana stupanja na snagu ove odluke**.

 [20250129 Odluka o pravilima licenciranja prostornih podataka FBiH final.pdf \(288.1 kB\)](#)